

夢懷小集

國家圖書館, NATIONAL CENTRAL LIBRARY, TAIWAN, R.O.C.

余室人劉氏為 舅父洵南公季女六歲失惟
特惟嚴君是依性慧而賢於女紅外間事披閱
耳濡目染蓋亦有素年二十歸余端莊淑慎終
始如一日事 太夫人極孝奉余親尤謹先意承
志得親之懽婦職洵稱無忝至於帷房謙言惟
以大義相勗勉余性好苦吟有嗜痂之癖室人
語余曰視君才具不寄人下然讀書必求根柢
文章教人自為探石渠藏名山亦男兒分內事
竊願於舉子業究心至音韻之學雖不可少第

易汲也。余心折其言，居恒以艱子嗣，每愀然其不樂。癸亥六月二日，有姪弗育，愈增快，復以署側居民不戒於火，驚悸殊甚，因為致疾之由。匝月身亦如常，第神氣寢薄，漸覺悽慘。可稟七月望日早見有滿室雲繞，起視之，離迷猶在。自是體遂不支，多方參餌，不可救藥。于八月二日歿於錢唐官署闔室，悲慟成童以下無不失聲。親舊知文盡為流涕。方是時，余舅父奉命將抵浙，天涯咫尺，相聚不過轉瞬間，胡良緣不

假弱質，頓摧曾不稍留，以待直歆搔首以問彼蒼，恐天心仁愛至此，當亦自悔其酷烈也。更有詫焉者，存順歿寧為吾儒真寔本領，而室人于彌留之日，正容櫛沐，披衣整襟，瞻睇慈雲，竟成虛願。遂爾溘然長逝，是非仁孝性成，恃正不苟，曷克致此。余念其屬望之甚殷，而竟鬱、責志以殞，悲不自勝。因繪一小照并圖已像以配之。自頽而嘻曰：嗟乎！天能奪予之伉儷於生前，而不能奪予之凋繆於身後。凡春花秋月、冷雨淒

風以及酒闌燈灺孤館客邸無不神相習影相
隨是非僅百年聚首而直欲長此以終也剛此
圖與悼亡諸作蕭颯幾同別賦恨賦哀怨儼成
大招小招余益用是滋戚矣既而瞿然曰室人
雖往其言猶堪記憶余縱不能貯之金屋其不
克光諸泉壤乎其將維日孜々堅苦刻厲以求
一進境豈徒作兒女私切語掩面啼歔也乎若
夫守空幃之寂颺抱隱願于終身余更有至性
存焉殆不欲掛諸齒頰而令人翹其事以為名

也悲夫悲夫



夢懷小橐

悼亡

潘州王自昭 澄初

風吹落葉蒲蓮除玉質成煙
八月初兀坐宵分
顛顛甚鰥々雙眼迫憐予

半月中閨恍霧烟前身定屬
蘂珠僊最憐白露
凝秋夜豈謂黃楊厄閨年
浮生無蒂本皆空一枕魂飄
蝶夢中醒覺枕函
珠淚蒲茫々幽恨塞蒼穹

長眠那復辨朝昏
剪紙難招已斷魂
深鏤殯宮
愁不寐無情
明月上
牕痕

夢裏驚聞雁叫群
披衣起坐月紛紛
中元絳節
分明語
此夕緣何不見君

秋光相對使人酸
萬木呼號夜未闌
從此銀蟾
臨翠幔
可能深照淚痕乾

疎星幾個映空房
冰簟淒清欲斷腸
遠外秋蟲
鳴不了聲
哀怨共宵長

鏡破那能得再圓
風高露冷獨堪憐
也知塵玉

終成土
端歆傾珠
直到泉

中秋月夜感懷

七載信如夢
今為長別離
重泉無復見
孤枕有誰知
月上回欄冷
風吹落葉悲
家々俱宴樂
我影伴虛帷

遣恨二首

月冷燈殘鬢染霜
終宵轉轉漏偏長
疎々楊柳風前縷
黯々芙蓉雨後妝
蝴蝶心驚何處夢
鴛鴦影散不成行
惟資藥裏相調護
冷落薰爐久

斷香

慘淡三秋觸境悲
雁聲嘹唳朔風吹
衾寒只自嫌更永
愁重那堪恠酒醺
鳳曲短長誰與譜
蟾光圓缺我能知
天涯縱有河山隔
不比黃泉絕見期

重陽

節度重陽強自寬
登高何處不悲酸
寒花恠底迎人艷
斷雁無端落影單
苦雨滴簷秋欲老
暗風穿牖氣添寒
塵凝小閣淒涼甚
香爇燈殘枕

未安

夜雨有感

連朝陰雨鎖愁雲
孤影燈昏夜柝聞
病劇有懷傾竹葉
漏長無語檢羅裙
秋花冷似過灰劫
寒鳥孤憐護水紋
猶道夢回相戒旦
那堪粧閣玉釵分

雨牕夜起

病葉打窓橫
蕭森夜氣清
濕雲迷斷雁
冷雨滴殘更
風急吹簷響
燈闌照枕明
麗譙三漏盡
寒

鼓竟無聲

烏桕已成丹傷心夜雨寒愁深酒力薄秋老樹
枝殘萬里人途易雙鷺影續難匡牀眠復起長
此恨漫漫

晚晴獨立

疎雨殘雲作晚妍蒲園秋色最堪憐花司放早
常先謝月若來遲定不圓天外雁飛悲斷侶籬
邊蛩語恨么絃也知浮世皆虛幻且酌中山一
醉眠

菊下書懷

疎蕊凌霜續、開愛渠淡逸傍籬栽山空冷落
無人拓秋院清淒有月來頌酒劉伶惟獨飲悼
亡潘岳有餘哀塵寰何藥能消恨空繞迴廊漏
已催

北關夜泊

舟抵關前暮不開麗譙更鼓續相催淡雲徐過
籠新月短燭重燒泛綠醅何處笙歌驚夜夢數
聲鴻雁動人哀繁愁幸有詩相遣獨擁寒衾傍

水隈

塘栖晚行口號

半是桑田半蔗田
四郊紅葉雨中妍
晚來鷗鷺雙霞去
冷浸詩魂獨自眠

雙橋有感

晚抵雙橋汎舟維薄暮
天彩虹暎碧水窮兔隔
黃泉天上星還合
人間鏡不圓
淒涼聞野漏
竟夕到愁邊

吳江夜行

柔櫓輕搖擁鼻吟
放舟正值夜沉沉
漁燈隔浦看明滅
月色穿雲露淺深
塞雁飛過憐隻影
吳語唱處感孤衾
為迎勇氏行程遠
渾恐雙親繫寸心

姑蘓道中

快趁東風放小航
雲山多恐笑人忙
夜闌霜重寒逾甚
酒醒衾孤恨未央
星月娟娟空自好
閑河黯黯為誰傷
死生繫念渾難解
漫道情魔欲斷腸

紀夢

余奉 嚴命迎 勇父於吳門返棹宿
平望時悼亡已七旬矣夜忽見夢曰睽
訣七十日詎相忘耶因執手啼泣覺來
漏過三下即枕口占
平望孤舟泊珊、步月來寧忘七十日苦憶百
千回夜夢何相詰芳容莫更猜醒時珠淚落野
漏已三催

晚過禾城

扁舟迅下晚濛、烟靄迷離月色中未穩栖鴉
爭野樹初傳梵鼓響天風高城夜市喧、聚遠
浦漁舟處、通徒倚蓬窓無箇事關心惟是警
更鴻

石門道上

片帆斜挂水雲低川徑瀉、路欲迷繫纜未知
何處是萬畦桑柘夕陽西

即事有感

永訣情懷百日餘夢醒隻眼痛鰥魚竭來愁思

縑春繭何處重泉達素書雪意初知風砌凍月
華正對夜窓虛悲吟騎省君須鑒遺挂空存淚
蒲祛

送舅父赴任吳興晚過西湖口占

一望湖光鏡面平南屏已動晚鐘聲穿雲孤雁
投沙宿出浦浮鷗逐浪行升降禪燈明翠靄往
來山犬吠柴荆非關堤畔耽閒玩甥舅情深送
遠旌

春日偶成

日暖風和氣候妍晚天聊復抱書眠幽禽初轉
嚶嚶語嫩柳暝含嬾嚶煙只謂芳菲多命薄故
教風雨作春顛流光荏苒清明至不覺愁中度
一年

即事口占

新篁數个綠成陰映入書簾助我吟半掩柴扉
無客到自携杯酒對花斟好風時度南牕暖遠
道常看北斗深手足凋殘妻早喪年來何事不
沾襟

七夕感懷

僊會曾聞碧漢東，翠梭停織話離衷。
一水經年別渺々，三秋此夜逢天上。
猶然傳鵲渡人間，無復覩花叢。
傷心惟有牕前月，依舊清光處。
處同

嗚呼清秋露泣，釵分安得重，歸皓魄光沉鏡碎。
難教再拭柳絲愁，離恨淚沾白傅青衫紅豆記。
相思腸斷，綠鸞玉笛，如余室人者，潯陽望族學。
府名媛幼嫻，姍姍訓淑，慎其身長，守婦箴柔嘉維。
則六齡失恃，奠謝祇望椿榮，二十于歸，雀屏媿。
稱鳳卜鉛華洗盡，孟德耀清搵過人，棋粟告虔。
桓少君高風絕世，方謂葭玉永依，與子偕老，詎。
料桐琴忽脆，竟爾中分，緬彼居恒，慨似續之維。
艱心常快，維茲適日，喁冷暖之自護，意更忡。

仲時屆中元天剛辨色攬衣欲起有雲滿室余亦驚視迷離猶在自是以往頓作顰容曾幾何時更增瘵疾漱金吐玉莫抱庫中墮粉消肌未綿甲子膏肓既入越人之脂何來蘭蕙遽捐西域之香不返憶余勇父

帝謂新承浙水燕山天涯咫尺胡相見之有期遂重泉之永訣是固人事之難徵抑亦天心之莫測嗟々七載相依夢斷三生之石百身難贖淚盈萬斛之珠狼藉秋風無可奈何花落去淒涼

夜月不勝清怨雁飛回做室內之叅真奚堪破涕效遊中之取冷無處追歡懸幌墓門不見樵花人面吹笙潛閣徒喧蛙部鬼車愁度香囊頻恨枕邊驚午夢暗藏秦扇應教粧畔怯新寒從茲玉臺深鎖硯篋塵封往事已沉杯酒奚澆傀儡壯心頓起卷軸儘可浸滌倘得遂青雲之願庶^其懈泉下之心 靈其有知尚其鑒余

真余堂



